

Na osnovu člana 49. Statuta Javne ustanove Dom zdravlja Busovača („Službeni glasnik Općine Busovača“, broj:1/17), člana 20a. Zakona o izmjenama i dopunama Zakona o radu („Službene novine Federacije BiH broj 89/18), člana 3.i 4.Uredbe o postupku prijema u radni odnos u javnom sektoru u Srednjobosanskom kantonu („Službene novine Srednjobosanskog kantona“broj: 7/19), član 12. Pravilnika o radu JU Dom zdravlja Busovača i Odluke Upravnog odbora o utvrđivanju potrebe i raspisivanju Javnog konkursa za prijem radnika u radni odnos na određeno vrijeme sa punim radnim vremenom, broj: 358/23 od 23.05.2023. godine,direktor Javne ustanove Dom zdravlja Busovača dana 25.05.2023.godine, raspisuje

JAVNI KONKURS

za prijem radnika u radni odnos na određeno vrijeme sa punim radnim vremenom

1. Vozač sanitetskog vozila –ložac centralnog grijanja – 1 izvršilac na period od šest mjeseci

Opšti uslovi:

1. da su državljani Bosne i Hercegovine
2. da su stariji od 18 godina
3. da su zdravstveno sposobni za poslove za koje se kandiduju

Posebni uslovi:

1. Srednja strukovna škola - KV vozač
2. Jedna godina radnog iskustva

Kratak opis poslova:

- upravlja sanitetskim vozilom na terenu, u transportnoj ekipi, dijalizi i drugim vozilima prema mjestu i rasporedu rada,
- u toku izvršenja poziva dužan je da usvoji zahtjev medicinskog radnika u pogledu brzine i načina vožnje, prilagođavajući vožnju uslovima puta,vremena i bolesnika, imajući pri tom stalno u vidu sigurnost bolesnika ili povrijeđenog ili drugih lica u vozilu.
- po nalogu medicinskog radnika koji određuje stepen hitnosti upravlja vozilom pod uslovima koji mu se zakonom dozvoljavaju kao vozaču vozila sa prioritetom,
- sa medicinskim tehničarem vrši prijenos oboljelih i povrijeđenih na nosilima i drugim sredstvima po uputi doktora,
- stara se o ispravnosti vozila, čistoći vozačke kabine i bolesničkog dijela u vozilu za vrijeme rada, i otklanja manje kvarove u vožnji,
- u slučaju transporta oboljelog od zarazne bolesti dužan je da po obavljenom transportu vozilo sprovede postupak dezinfekcije vozila,
- pri preuzimanju vozila obavezno kontroliše njihovu ispravnost, snabdjevenost gorivom, mazivom i vodom i ispravnosti radio veze, a naročito kontroliše uređaje za zaustavljanje, upravljanje, singalizaciju (zvučnu i svjetlosnu),obilježnost vozila, snabdjevenost vozila određenom opremom za vozilo, po potrebi dopunjuje rezervoar gorivom(ukoliko nema odgovorne osobe voznog parka),
- o ostalim kvarovima obavještava odgovorno lice i to evidentira u knjigu kvarova,
- prema prijedenoj kilometraži u knjižici o zamjeni ulja upućuje vozilo serviseru preko odgovornog radnika,

- vodi uredno evidenciju o vremenu kretanja vozila, o predjenoj kilometraži i utrošku goriva,
- po završenom radu vozilo predaje odgovornom radniku pri čemu ga obaviještava o eventualnim neispravnostima i oštećenjima nastalim u toku rada, kao i o ponašanju vozila u vožnji, a također prilikom predaje vozila predaje i putni nalog,
- prema potrebi, zadužuje alat i odgovoran je za isti i cjelokupnu opremu sanitetskog vozila,
- dužan je da dobro poznaje grad i regulaciju saobraćaja u gradu,
- dužan je da čuva poslovnu tajnu, a naročito medicinsku tajnu,
- U ZIMSKOM PERIODU OBAVEZNI SU LOŽITI I ODRŽAVATI PEĆ U KOTLOVNICI.
- pri transportu bolesnika, odnosno povrijeđenog dužan je da se korektno i učtivo ponaša prema bolesniku ili povrijeđenom,
- kao i prema licima sa kojima pri tom dolaze u kontakt (kod kuće bolesnika ili povrijeđenog, na javnom mjestu i u stacionarnoj zdravstvenog ustanovi),
- duži se vozilom i odgovoran je za pravilnu upotrebu istog,
- obavlja i druge poslove po nalogu doktora u Hitnoj medicinskoj pomoći, odgovorne sestre u SHMP, glavne med.sestre Doma zdravlja i direktora Doma zdravlja.

Mjesto rada: JU Dom zdravlja Busovača
 Radno vrijeme: 37,5 sati sedmično

Potrebni dokumenti (orginal ili ovjerene kopije):

1. Svojeručno potpisanu prijavu na Javni konkurs (prijava treba da sadrži podatke o kandidatu: ime i prezime, adresa, broj telefona i e-mail adresa, naziv Ustanove u koju aplicira, predmet prijave, popis dokumentacije koju dostavlja na Javni konkurs)
2. Svojeručno potpisanu biografiju
3. Izvod iz matične knjige rođenih
4. Uvjerenje o državljanstvu
5. Uvjerenje o prebivalištu
6. Diploma o završenoj Srednjoj strukovnoj školi - KV vozač
8. Uvjerenje o radnom iskustvu u struci

(ukoliko kandidat nije u mogućnosti dostaviti Uvjerenje o radnom iskustvu u struci i zanimanju od poslodavca, treba da dostavi Uvjerenje o radnom stažu izdano od nadležne porezne uprave ili Uvjerenje o radnom stažu izdano od Federalnog zavoda za penzijsko i invalidsko osiguranje –u kojim je naznačena šifra zanimanja)

Prednost u zapošljavanju, pod jednakim uvjetima imaju kandidati koji ostvaruju prava u skladu sa Zakonom o pravima boraca/branitelja i šehida i članova njihovih porodica/obitelji i Zakona o pravima demobilisanih boraca/branitelja i članova njihovih porodica/obitelji uz obavezu pozivanja na poseban zakon. Prioritet pri zapošljavanju kandidati dokazuju odgovarajućim dokumentima od zakonom mjerodavne institucije (potvrda, uvjerenje i sl.) koje prilažu prilikom prijave na javni oglas pozivajući se na poseban zakon.

Svi dokumenti koji se dostavljaju uz prijavu na Javni konkurs moraju biti u originalu ili u ovjerenj kopiji.

Napomena: Svaki izabrani kandidat će biti u obavezi da **prije prijema u radni odnos**, odnosno prije potpisivanja Ugovora o radu dostavi:

· Ljekarsko uvjerenje kao dokaz da su zdravstveno i psiho fizički sposobni za obavljanje poslova za koje se kandiduju.

· Uvjerenje da protiv lica nije pokrenut krivični postupak,

· Uvjerenje da lice nije osuđivano za krivično djelo za koje je izrečena zatvorska kazna, osim krivičnog djela protiv sigurnosti javnog saobraćaja,

Obavijest o raspisivanju Javnog konkursa će biti objavljena u Dnevnom listu „Oslobođenje“ ,a puni tekst javnog konkursa bit će objavljen na web stranici Službe za zapošljavanje SBK/KSB Travnik, na zvaničnoj web stranici osnivača JU Dom zdravlja Busovača (Općina Busovača) i Oglasnoj ploči JU Dom zdravlja Busovača.

Rok za podnošenje prijave na Javni konkurs je 8 dana, a počinje teći narednog dana od dana njegovog objavljivanja, odnosno od dana njegove posljednje objave.

Podnosilac neblagovremene ili neuredne prijave nije učesnik Javnog konkursa i nema procesnu legitimaciju za pobijanje odluke o izboru kandidata ili čitavog postupka za zasnivanje radnog odnosa, pred Upravnim odborom Ustanove, odnosno pred nadležnim sudom.

Potpunom prijavom smatra se prijava uz koju su priloženi svi dokazi o ispunjavanju općih i posebnih uslova koju kandidati treba da dostave prilikom aplikacije na Javni konkurs.

Ispunjavanje uslova utvrđenih Javnim konkursom računa se sa danom predaje prijave.

Po zatvaranju Javnog konkursa Komisija za provođenje procedure prijema u radni odnos (u daljem tekstu: Komisija) će prema dostavljenoj dokumentaciji izvršiti klasifikaciju kandidata.

Neblagovremene, nepotpune i neuredne, zatim prijave kandidata koji ne ispunjavaju uslove Javnog konkursa neće se uzeti u razmatranje.

Komisija će u pisanoj formi zaključkom obavijestiti kandidate koji nisu dostavili blagovremenu, potpunu i urednu dokumentaciju.

Kandidati koji nisu dostavili blagovremenu, potpunu i urednu dokumentaciju, ne mogu učestvovati u daljoj konkursnoj proceduri.

Proces izbora kandidata za radna mjesta za koja je kao uslov propisano srednje, više ili visoko obrazovanje zasniva se na razmatranju dostavljene dokumentacije , pismenog ispita i intervju sa svakim kandidatom.

Komisija će pismenim putem pozvati kandidate na provjeru znanja **putem pismenog testa.(Literatura potrebna za provjeru znanja će biti objavljena na web stranici Općine Busovača)**

Kandidati koji na pismenom testiranju ostvare najmanje 60% od ukupnog broja bodova stiču pravo da pristupe intervjuu i praktičnom dijelu ispita koji ima za cilj procjenu profesionalnih karakteristika, iskazanih sposobnosti i kompetencija za radno mjesto na koje se kandidat prijavio.

Kandidati koji na pismenom testiranju ostvare manje od 60% od ukupnog broja bodova isključuju se iz dalje procedure prijema u radni odnos.

Komisija će izvršiti bodovanje kandidata, te sačiniti rang listu uspješnih kandidata i istaknuti na Oglasnoj ploči Ustanove.

Izvještaj o provedenom postupku i rang listu uspješnih kandidata Komisija će dostaviti direktoru Ustanove, koji će donijeti odluku o izboru kandidata sa liste uspješnih kandidata.

Prijave na Javni konkurs dostaviti u zatvorenim kovertama putem pošte ili lično na adresu

Javna ustanova Dom zdravlja Busovača

72260 Busovača

Ul. 1.mart/ožujak

**“Prijava na javni oglas za prijem radnika na određeno radno vrijeme „sa naznakom
„NE OTVARATI“**

**Dokumentaciju dostavljenu uz prijavu na Javni konkurs Ustanova neće vraćati
kandidatima.**

**Kontakt osoba zadužena za davanje dodatnih obavještenja
Ljiljana Čavara – broj mob.telefona 063 024 314**

Broj: 357/23
Busovača,25.05.2023.godine

direktor
Dr.Amir Sadiković
spec. obiteljske medicine